

ԹԱՂՄԱՆ ՀԵԹԱՆՈՍԱԿԱՆ ԵՎ ՄԻՋՆԱԴԱՐՅԱՆ  
ՍՈՎՈՐՈՒԹՅՈՒՆՆԵՐԻ ՄԱՍԻՆ

ԵՐԱԶԻԿ ՀԱՐՈՒԹՅՈՒՆՅԱՆ

Թաղման ծեսը մարդկության պատմության բոլոր փուլերում, բոլոր ժողովուրդների համար եղել է կենցաղային ամենատարողունակ սովորություններից մեկը՝ ծիսական արարողությունների քանակով, հասարակական ու ժամանակային ընդգրկումների ծավալով: Համապատասխանելով ժողովրդի աշխարհայացքի, ըմբռնումների, կենցաղի հարահոսքին, այն երբեք չի կորցրել իր մեծ դերն ու աղբյուրությունը մարդկային կյանքի, հոգեբանության ու մտածելակերպի վրա:

Թաղման հնադուրյն սովորությունների մասին տեղեկություններ են հաղորդում նյութական մշակույթի այլևայլ դրսևորումների մեզ հասած մասունքները: Ժայռապատկերներ, սեպագիր արձանագրություններ, քանդակներ, ճարտարապետական հուշարձաններ և, իհարկե, առաջին հերթին դերեգմաններն ու հայտնարերված բազում դամբարանադաշտերը:

Նախամարդը մահացած մերձավորին թողնում էր իր մշտական բնակավայրում՝ քարանձավում կամ կողքի քարայրում, իսկ հետզհետե անցավ նրա համար այլ, առանձին բնակարան պատրաստելու մտքին: Թաղման բոլոր հնադուրյն ձևերը՝ քարարկղային, սալարկղային, հիմնահողային, կարասային, կավե ու փայտե դագաղային, համողում են մեղ, որ մահացածին երբեք չէին համարում ապրելուց վերջնականապես զրկված, գտնում էին, որ նա շարունակելու է կյանքը այլ աշխարհում: Քնի և մահվան նմանություններից ու երազների, տեսիլների անըմբռնելիությունից են ծագել հոդեպաշտական պատկերացումները: Ըստ նախնական մտածողության, մահացածը, որի երկրորդ «ես»-ը կամ հոգին լքել է ոչ թե ժամանակավորապես, այլ ընդմիշտ (կամ շատ երկար ժամանակով), կենդանի մարդկանց համար աննկատ շարունակում է իր գոյությունը, դրա համար աշխատում էին նրան ապահովել անհրաժեշտ բոլոր պիտույքներով, անգամ ընտանի կենդանիների ու մերձավոր մարդկանց ընկերակցությամբ: Դա են ապացուցում գերեզմանների պեղումներն ու գրավոր աղբյուրները: Աշխարհի գրեթե բոլոր ժողովուրդները հոգատարություն են ցուցաբերում մեռած նախնիների նկատմամբ:

Թաղման ծիսակատարության բուն նպատակն է դոհացնել, հաճույք պատճառել հանգուցյալի հոգուն: Ինչպես չհասկացվող, անբացատրելի, մանավանդ՝ զորեղ, անդիմադրելի ու անհաղթելի յուրաքանչյուր երևույթի, այնպես էլ մահվան ու հանգուցյալի հանդեպ, մարդը երկյուղ է

1 Ե. Լ ա լ ա յ ա ն. Ծիսական կարգերը Հայոց մեջ, ըստ Սպենսերի. Ա պրակ. Թիֆլիս, 1913, էջ 53:

2 Տե՛ս Յ. Բ. Կ ա լ ո թ. Первобытная культура, М., 1989.

տածում: Վախենում է, որ ամեն ինչ տեսնող ու լսող հողին դժգոհ կմնա ու վրեժխնդիր կլինի: Եվ երկրորդը՝ մարդը սիրում ու խղճում է իրենից ընդերկարս բաժանվող մերձավորին և իր հողու ու խղճի պարտքն է համարում անել նրա համար հնարավորը:

Թաղման առաջին ձևերի ուսումնասիրություններից պարզ է դարձել, որ հոգեպաշտության նախնական տարրերը դոյացել են դեռևս հին քարեդարյան ժամանակներում, առավել կոնկրետացել նոր քարե դարի շրջանում, անցել բրոնզե դարերի միջով և երկաթե դարում արդեն ստացել կրոնական համակարգի պատկեր:

Հազարամյակներ շարունակ զանազան կերպ էին վարվում դիակների հետ. մոմիաներ էին պատրաստում, թաղում կամ հրկիզում էին, հիմնականում ցուցաբերելով երկու տարբեր մոտեցումներ՝ պահպանել կամ ոչնչացնել, բայց երբեք անուշադրություն չէին մատնում:

Բնական է, որ կենդանի մարդը, ունենալով իր աստվածները, պահպան գորությունները, հոգացել է նաև հանդուցյալների մասին, ստեղծել նրանց աստվածը. Սպանդարամետ, Հադես, Նարդիլ, Սերապիս, Թանատոս և այլն: Մարդկանց հոգին առնելու և նրանց մահվան աշխարհ տեղափոխելու համար ևս ժողովուրդը հատուկ պաշտոնյաներ էր ընտրել. Գաբրիել հրեշտակապետ, գրող, հոգեառ: Դժոխքում իշխում էին Շահապետը, Սադայելը, Սատանան, Սոնակը՝ և այլն, որոնք երբեմն ակնարկվում են ժողովրդական սգո երգերի մեջ:

Մեր պախճանտին բուսեր մանտրտիկ խամիչ,

Գրող, անորդի է, մի աներ խամիչ:

Մ'աներ, դրող, մ'աներ, խակ է տերևը,

Ալվա զարկիր տարիր կանաչ արևը<sup>4</sup>:

Նախամարդը, որ ավելի վարժված էր իր զգացումներն ու վերաբերումներն արտահայտել շարժումներով ու ձայնարկություններով, քան սառը, անկիրք խոսքով, յուրաքանչյուր նշանակալից երևույթի արձագանքում էր որևէ արարողությունը. արևի ծագմանն ու խավարմանը, փոթորկին ու կարկուտին, բերքի հասնելուն ու բնության փթթմանը, պատերազմին ու արհավիրքին... նաև մարդու ծննդյանն ու մահվանը:

Հավանաբար, մարդը առաջին ողբերգությունն ապրել է արևն ընդամիշտ կորցնելու վախից: Նա երկյուղել է, որ չար ուժերը ամպի, հողմի, սառնամանիքի, մթի տեսքով կարող են խափանել արևի աշխարհ գալուցանկալի իրողությունը և աշխարհը թողնել խավարի ու պաղություն մեջ: Արևը եղել է մարդու ցնծության ու տխրության արարող, նրա դոյությունն ապահովող ամենազոր ուժը: Բարձրագույն արևահայաց վայրերում կառուցվել են արևին նվիրված տաճարներ, նրա ծագումը դիմավորել են պարով ու աղմուկով, հեղել են մատաղացու անասունի, նաև մարդու արյուն: Իսկ արևամուտն ու խավարումը ուղեկցել են ողբով ու ճիչերով,

<sup>3</sup> Ղ. Ա լ ի չ ա ն. Հին հավատք կամ հեթանոսական կրոնք հայոց. Վենետիկ, 1895, էջ 416:

<sup>4</sup> Հ. ծ ա ն ի կ յ ա ն. Հնությունք Ակնա. Թիֆլիս, 1895, երգ 55:

բզկտելով սեփական մարմինը: Արեի մահվան ու ծննդյան հավերժական երևույթները մարդուն համոզել են, որ մեռած մարդը, որին նույնպես հալածում են չար ուժերը, արևի նման կարող է կենդանանալ: Արեը դնում է ուրիշ աշխարհ և վերադառնում, մարդն էլ դնում է ուրիշ աշխարհ և երբևէ կվերադառնա: Արևը մեռնում է, աշխարհը խավար է հագնում, մարգը մեռնում է՝ անհրաժեշտ է սև հագնել. այստեղից է համարյա բոլոր ժողովուրդների համար ընդհանուր սգո սև դույնը: Որոշ ազգերի մոտ պահպանվող նախնական սպիտակը (որը, ի դեպ, կա նաև հայերի մոտ. և-կեղեցու պաշտոնյաներին ու թագավորներին ճերմակազգեստ թաղելը) դարձյալ պետք է բացատրել արեգակ-խավար, ցերեկ-գիշեր, լույս-մութ զուգորդումներով:

Մեր կարծիքով, դիակի հետ վարվելու երկու հիմնական եղանակներն էլ՝ թաղումը և այրումը, կապվել են արևի պաշտամունքի հետ: Յուրաքանչյուր օրվա վերջում արևը անցնում է գետնի տակ (տեսողական պատրանք) և առավոտյան նորից ծագում: Մեռած մարդուն պետք է տանել գետնի տակ, որ կրկին հառնի: Թագման հանդեսները կատարվում էին և են մինչև արևի մայր մտնելը, հիմնականում արևին ի տես, արևամուտից հետո յուրաքանչյուր արարք անիմաստ էր դառնում:

Անտարակույս կողբային նրանք մինչև արևամուտ,  
եթե Աքիլլն Ադամեմնին մոտենալով չասեր նրան...<sup>5</sup>

«Այս ոչ հաճախ հանդիպող սգերգի տիպը պատկանում է այսպես կոչված «գորի»-ների, որոնք երգվում են կանանց խմբի կողմից վաղ առավոտյան արևածագից առաջ... առաջին օրը թաղումից հետո»<sup>6</sup>: Այստեղ խոսքը վերաբերում է հատկապես արչալույսին երգվող սգո երգերի ժանրի դոյուլթյանը, որը վկայում է թագման արարողությունների մեջ արևի խաղացած մեծ դերի մասին:

Որոշ գիտնականներ (Յու. Վ. Գոթե, Խ. Սամուելյան) գտնում են, որ դիակիզումը կոչված է մարմինը վառելով, արագացնել հոգու անջատումը նրանից և հոգուն վախեցնելով փախցնել շատ հեռու զգուշանալով նրա գործելիք չարիքներից՝ հատկապես, որ թագման գրեթե բոլոր ձևերը նույնպես ընդգրկում են հանգուցյալի վերադարձը խափանող միջոցներ ապահովելով ողջների անվտանգությունը: Մեզ առավել հավանական է թվում, որ գիակը հանձնում էին արևը խորհրդանշող կրակի սրբազան գորությունը: «Իլիականում» նկարագրված է Պատրոկլեսի դիակիզման հետաքրքիր տեսարանը. Աքիլլեսը երգվում է չլվանալ գլուխը մինչև բարեկամին չայրի «հրով ամենասուրբ»:

Դիակիզումը գոյություն է ունեցել հին աշխարհի շատ ազգերի հույների, հռոմեացիների, խեթերի և այլոց սովորությունների համակարգում: Դիակը վառում էին նրան պատկանող բոլոր անձնական իրերով, ա-

<sup>5</sup> Հ ա մ Ե Ր Ո Ս. Իլիական. Երևան, 1987, երգ 23:

<sup>6</sup> Т. С в е ш н и к о в а. Волк в контексте румынского погребального обряда. Исследования в области балто-славянской духовной культуры. Погребальный обряд, М., 1990, с. 129.

նասուններով հանդերձ: Հայաստանում դիակիզում հանդիպում է վաղ, միջին և ուշ բրոնզեդարյան, վաղ երկաթի դարաշրջաններում. լայնորեն տարածվել է նաև հելլենիստական դարաշրջանում: Այդ վերապրուկները պահպանվել են մինչև վերջերս՝ գերեզմանին վառվող կրակի եղանակով: Այդ հիշողությունը պահպանվել է ժողովրդական սգո երգերում.

Գացեք փատ ու փուշ բերեք,  
Անորդի մարիկն երեցեք:  
Երեցեք մոխիր արեք,  
Մոխիրն հովուն տվեք, ուր տանի:

Հայ ժողովուրդը արևը նույնացնում է կյանքի հետ. դրա ապացույցն են բազմաթիվ հին ու նոր ասացվածքները, արտահայտությունները, երգումները, անեծքներն ու օրհնանքները. զարև հատանել, յարև է արևկանել, արևպետ վախճանեալ, արևդ սիրես, արևիդ մեռնեմ, կարմիր արևից րնկած, իմ արև, արևը խվարեց, արևի երես չտեսնես, արևդ թաղեմ, արևդ մեռնի, էրկեն արև էղնիս և այլն...: Այս առումով բնորոշ բացատրություն է տալիս Վ. Տեր-Մինասյանը իր մեջբերած տապանադրին.

«Յիսուն ամ ողջունեցի զարև մարդոց,  
Իսկ արդ ողջունեմ զարև Աստուծոյ:

Արևի այսօրինակ հիշատակությունն այսքան դերաթուիչ երևակայութ-յամբ, ի հեթանոսության արևապաշտ և ի քրիստոնեության արևասեր հայ մտքի միայն հատուկ է <sup>7</sup>:

Հայկական աղոթքներն ու շարականները բազմիցս դիմում են արնդակին, հեքիաթները լի են արևի խորհրդանշային կերպարներով: Հայաստանի որոշ շրջաններում տակավին պահպանվում է թաղման հաջորդ օրը արևածագը թարմ գերեզմանի մոտ դիմավորելու սովորությունը (այդ): Արևից զրկվելով ու արև կորցնելով, դարձյալ հանգուցյալները ժողովրդի հոգածությանը անարև չեն մնում. վերջալույսը թույլ ու աղոտ, անուժ ու անօգնական; «մեռելի փայ արևն ա»:

Հուզարկավորության ծեսի ամենավաղ նկարագրությունները համընկնում են հայոց գրավոր գրականության ու պատմագրության արշալույսի հետ և արտացոլվում V դարի պատմիչների երկերում<sup>8</sup>:

Մ. Խորենացու մեջբերած Արա Գեղեցիկի ավանդագրույցը բացահայտում է մահվան հետ կապված մի քանի հավատալիքներ: Առաջինը գիակի վերակենդանանալու հնարավորության հավատն է, որ առաջ է բերել առեգների մասին պատկերացումները, որսլես շան սլաշտամունքի մի դրսևորում: Առեգներին հիշատակում են նաև Փ. Բուղանդը, Ե. Կողբացին, Դ. Անհաղթը: Շունը մարդու ամենամերձավոր ու հավատարիմ կենդանին է, որը համարվում էր մարդկային հողի կրող, և պատահական չէ,

7 Վ. Տ ե ր - Մ ի ն ա ս յ ա ն. Անգիր դպրություն և առակք. Կ. Պոլիս, 1893, էջ ԾԵ:  
8 Մ. Խ ո ր ե ն ա ց ի. Հայոց պատմություն. Երևան, 1940, էջ 33:

որ հենց նրան է վստահվել վերքերը լիղելու, հողին մարմնին վերադարձնելու ոչ դյուրին գործը: Շամիրամը հավատում և հավատացնում է, որ իր վերնատանը դրված Արայի դիակը կկենդանանա: Այսպես, Մուշեղ սպարապետի վերակենդանացմանը հավատում էին նրա հարազատները, և դիակը դնելով աշտարակի տանիքի վրա՝ սպասում առկեղների այցելությանը<sup>9</sup>: Բասը ստուգաբանվել է որպես առող և լզսղ, հար լզող, Արային լիզող, քաջ այրերին լիզող. մեզ ավելի հավանական է թվում վերջինը<sup>10</sup>:

Խ. Մամուկյանը վկայակոչում է մի սովորություն, ըստ սրի վանի Լեղք գյուղի Ամենափրկիչ եկեղեցու տեղում կանգնեցված կուռքի առջև մարդիկ շներին լիղել էին տալիս իրենց վերքերը<sup>11</sup>: Ս. Հարությունյանը, հանգամանորեն քննելով շանն աղերսվող հավատալիքները<sup>12</sup>, բերելով հնդկական, հունական, գերմանական, իրանական և այլ առասպելների փոխառնչությունները, բացահայտում է, որ դրանք առավելապես կապվում են թաղման ծիսակատարությունների և հանդերձյալ աշխարհի մասին եղած պատկերացումների հետ: Շուներ հանդես է գալիս մերթ իբրև հոգևառ, հոգեկիր, հոգիների առաջնորդ, հոգին մարմնից անջատող, մերթ՝ հողին մարմնին վերադարձնող: Շան դերի այսօրինակ բնութագրումը չի հակասում ո՛չ Արտավազդի շղթաները կրծող և նրան ազատություն բերել ձգտող շների առկայությունը մեր դիցաբանությունում մեջ, ո՛չ էլ գերեզմաններից դուրս ելած մեռելների (դռոնափշտիկ, դռոնադար, խորթլաղ) շան կամ գայլի կերպարանքով շրջելու սնահավատքը:

Մահվանն առնչվող մյուս հավատալիքը, որի անդրադարձը կա Արա Գեղեցիկի զրույցում, արյան վրեժի հասկացությունն է: Հայոց զորքը պատրաստվում է նորից պատերազմելու՝ Արայի մահվան վրեժն առնելու համար: Ղևոնդ պատմիչը ևս դարեր անց այսպիսի դրվագ է դրի առել<sup>13</sup>: Արաբների դեմ մղած ճակատամարտում Աահակ և Համադասպ Արծրունի եղբայրների գոհվելու լուրն առնելով, երրորդ եղբայր Գագիկը այլ նախարարների հետ վայրով ու ճիչով հասնում է ռազմադաշտ՝ վրեժ առնելու նրանց մահվան համար: Արծրունյաց Դերենիկ իշխանի այրին երզվում է արևի երես չտեսնել, մինչև որ դիները չմեծանան ու չառնեն հոր սպանությունից վրեժը<sup>14</sup>: Ժողովուրդը այժմ էլ շարունակում է հավատալ, որ սպանվածի հողին չի հանգստանա, մինչև նրա արյան վրեժը չառնվի:

Երրորդ հավատալիքը, որի հիշողությունը առկա է Արա Գեղեցիկի զրույցում, առնչվում է քննարկվող թեմային և վերաբերում է Շամիրամի քար դառնալուն: Հոգու հեռանալուց հետո մարմինը դարձել է քարաբան: Նման զրույցներով հարուստ է հայկական ավանդապատումը, պատմական Հայաստանի տարածքը լի է սրբազան քարերով, որոնցից յուրա-

9 Փ. Բ ու զ ա ն դ. Հայոց պատմություն. Երևան, 1987, V դպր., գլ. ԼԶ:

10 Հ. Ա ճ ա ո յ ա ն. Արմատական բառարան. Երևան, 1971:

11 Խ. Մ ա մ ու կ յ ա ն. Հին Հայաստանի կուլտուրան. հ. Ա, Երևան, 1941, էջ 190:

12 Ս. Հ ա Ր ու թ յ ու ն յ ա ն. Մի դրվագ Հայ առասպելաբանությունից. «Պատմա-բանասիրական հանդես», 1989, №1, էջ 157-167:

13 Ղևոնդ. Պատմություն. Երևան, 1982, էջ 107:

14 Թ. Արծրունի և Անանուն. Պատմություն Արծրունյաց տան. Երևան, 1985, էջ 413:

քանչյուրը պարուրված է սրտաձևի պատմություններով: Այս հավատքի հետ է աղերսվում մահարձան կանգնեցնելու սովորությունը:

Իմ բախտն էլ քար էր, ինչ էնեմ,  
Քուր ջան, ինչի գառար լեռ քար,—

ողբում է քույրը վաղամեռիկ քրոջը<sup>15</sup>:

Ժամանակագրական առումով թաղման ծեսի մասին երկրորդ հիշատակությունը, որ ուղեկցվում է կենցաղային պատկերներով, վերաբերում է Հայոց Արտաշես Հզոր արքային<sup>16</sup>: Մ. Խորենացին ներկայացնում է նրա հուղարկավորության մանրամասները: Ոսկեհուռ գագաղի մեջ արքայի մարմինը ծածկված է ոսկեզօծ շղարչներով, առջևից պղնձե փողեր են հնչեցնում, ետևից գնում են ձայնարկու կույսեր ու լավկան կանայք, ապա, ըստ նախնյաց կարգի, քայլում են որգիները, ազգականների բազմությունը, սրանց հետևում են ազդի նահապետները, նախարարական գնդերը, զորականների վաշտերը՝ բոլորը զինված, ինչպես պատերազմի ժամանակ (գարձյալ գործ ունեին թշնամու հետ, որը խլել էր իրենց թագավորին) և ամենավերջում՝ ռամիկների բազմությունը: Դագաղի ետևից ըստ հանգուցյալին մերձավորության աստիճանի, համապատասխան հեռավորությամբ քայլելու սովորությունը պահպանվել է մինչև այժմ: Պատմահայրը նշում է, որ նրա կանայք, հարճերը, մտերիմ ծառաները ինքնազոհաբերում էին կատարում: Ըստ երևույթին այս սովորությունը պահպանվել է նաև հեթանոսության վերացումից հետո՝ հետզհետե կրելով քրիստոնեական նահատակության բնույթ<sup>17</sup>: Հետագայում կենդանի մարդկանց փոխարեն հանգուցյալների հետ թաղում էին քարե արձաններ:

Արտաշեսի մասին եզած գողթան երգերի շարքում կան երկուսը, որոնք առանձնապես հետաքրքրում են մեզ: Առաջինը որդու՝ Արտավազդի հետ ունեցած երկխոսությունն է.

Մինչ գու գնացեր,  
Եւ զերկիրս ամենայն ընդ քեզ տարար,  
Ես ավերակացս ում թագավորեմ<sup>18</sup>:

Այնքան մարդիկ և հարստություն թաղվեցին հոր հետ, որ նրան հաջորդող որդին մի պահ մոլորվեց, զայրացավ ու ընդվզեց մահացող հոր գեմ: Ավելի հետաքրքիր է, որ մահացող հայրը նրան պատասխանեց անեծքով<sup>19</sup>: Կասկածի ենթակա չէ, որ գողթան երգերը բարձրարվեստ գրական ստեղծագործություններ են, և որ գողթան երգիչը կարող էր հորինել հետագայում մեռած արքայի անունից: Բայց և բացառված չէ, որ անեծք-հատվա-

15 Ռ. Գ Ր Ի Գ Ո Ր Յ Ա Ն. Գեղարքունիք.— «Հայ ազգագրություն և բանահյուսություն»։ պր. 14, Երևան, 1983, էջ 88:

16 Մ. Խ Ո Ր Ե Ն Ա Գ Ի, էջ 128:

17 Մ. Կ ա ղ ա ն կ ա տ վ ա ց Ի. Պատմություն Աղվանից աշխարհի. Երևան, 1969, էջ 8:

18 Մ. Խ Ո Ր Ե Ն Ա Գ Ի, էջ 128:

19 Նույն տեղում, էջ 129:

ծր հորինվել է հենց թաղման հանդեսի ժամանակ, եղբերդակ գուսանի կողմից:

Թաղման հեթանոսական հանդեսի ժամանակ երգող-պարողներից մեկը՝ հանգուցյալի դիմակով ու հագուստով կատարում էր նրա գերը: Օ. Մ. Ֆրեյդենբերգը գրում է, որ հուղարկավորութայն բնական մասում, երբ դերասանները հանգուցյալի մոմն դիմակներով կանգնած են դիակառքի վրա և իրենց շարժումներով ու նշաններով պատկերում են այդ հանգուցյալին:

Մրա վերապրուկները կան մինչև մեր օրերը. XIX դարի վերջերին Սասունում կանայք դադարի ետևից ձեռքներին խաղացնելով տանում էին հանգուցյալի շորերը, դրանք դնում էին գերեզմանում, իսկ այժմ դադարի դիմակներում դնում են մեռածի լուսանկարը և հաճախակի դիմում նրան. ողբասաց կանանցից որևէ մեկը պատասխանում է մյուսների կողմից մահացածին տրվող բազում հարցերին ու դիմումներին:

Բոլոր ծեսերն ուղեկցվել են պարով, այն իր անվիճելի տեղն ունենալով թաղման ծեսի արարողակարգում: Այս բնույթի պարերի մասին հարգում է Փ. Բուդանյանը, պատմագրելով, որ ներսես Մեծի մահից հետո ժողովուրդը նորից դարձավ թաղման հեթանոսական ծեսին. կոծում էին, ճիվղային սլարեր պարում՝ դեմ առ դեմ միմյանց ծափ զարկելով<sup>20</sup>:

Ինչպես սգո երգերը ունենին իրենց հատուկ կատարողները, այնպես էլ սգո պարերը կոծատեղիներում կատարում էին կոծապարողները կամ ծեծկվողները: Այս պարերը բաղկացած էին բացառապես դեպի ձախ և ետ տանող քայլերից, աչքի էին ընկնում ողբերգաչուն շարժումներով, զգայական լարվածությամբ, տրորվելու, օղիկ-օղիկ լինելու կեցվածքներով<sup>21</sup>: Կոծապարերի իրողությունը վկայում են նաև սգո երգերը: Այսպես, ծովում խեղդամահ եղած երիտասարդ Արշակին նվիրված սգո երգում սգապարի կոչ է արվում նրա կնոջը.

Շորորա, Սալաթ, շորորա,  
Նավակն Արշակին կօրորա<sup>22</sup>:

Հ. Մանդակունին թաղման հեթանոսական հանդեսը համարելով անառակ, հանցավոր ծես, և անկասկած, բազմիցս ներկա լինելով այդօրինակ արարողությունների, մեկ առ մեկ թվարկել է բոլոր անպատշաճությունները<sup>23</sup>: Հուղարկավորության հեթանոսական ծեսի մասին բոլոր տեղեկությունները մեզ են հաղորդել քրիստոնեության սպասավորները, որոնք ձգտում էին վերացնել հեթանոսության բոլոր ավանդույթները, և, բնականաբար, ամեն ինչ ներկայացնում են բացասական տեսանկյունից: Տիեզերական եկեղեցական ժողովները այս սովորությունները վերացնելու համար պար-

20 Փ. Բ ու լ ա ն գ. V դպր., գլ. ԼԱ:

21 Շ. Ա ի ս ի լ ա ռ. Արմյանские старинные пляски. Ереван, 1983.

\* Արցախի Աշան գյուղի մի քանի տարեցներ և րանահավաք Լ. Հարությունյանը պատմում են, որ 1919, 1922 և 1938թթ. գյուղում տեղի են ունեցել անհատական և հանրային կոծապարեր (անձնական արխիվ):

22 Մ. Թ ու մ ա ճ ա ն. Հայրենի երգ ու բան. Հ. 3, Երևան, 1986, էջ 299:

23 Տեառն Յովհաննու Մանդակունույ Հայոց Հայրապետի ճառք. Վենետիկ, 1860, Թուրք Մխիթարության վախճանելոց յաշխարհես:

բերաբար զանազան միջոցառումների են դիմել, հատուկ կանոններ մշակել: Կոծողներին պատիժներ են սահմանել նաև Ներսես Մեծը, Գրիգոր Լուսավորիչը, Սահակ Պարթևը և հայ եկեղեցու մյուս բոլոր մեծերը<sup>24</sup>:

Փ. Բուզանգի նկարագրած Գնելի մահվան անսարանը ծանոթացնում է մի շարք մանրամասների՝ ա. կոծին պետք է մասնակցեին հանգուցյալին ճանաչող բոլոր մարզիկ: Արչակ թագավորը հրամայում է բոլորին գնալ և կոծել «ոչ ոք չհամարձակվի ետ մնալ»<sup>25</sup>: Այժմ էլ, ոչ միայն մտերիմ, այլև անգամ հեռավոր ծանոթի հուղարկավորութայանը մասնակցելը հոգու պարտք են համարում: Այսպես էր նաև Դերենիկ իշխանի մահվան պարագայում<sup>26</sup>: Ազգականների ու տիկիների հետ սգում էին բոլորը, արհեստավորներն ու աշխատավորները ձեռքերը ծնկներին գրած լալիս էին, իշխաններն ու ազատներն ողորի խոսքեր էին ասում: ր. Գնելի գազաղի մոտ Փառանձեմը բարձր ճչում էր, Առֆի տիկնոջ ապարանքից լսվում էին բարձրաձայն աղաղակներ: «Ամբողջ երկիրը միատեղ վայնասուունով լցված ողբում էր իշխանին կականալի ու սաստիկ գոռում գոչումով», — նկարագրում է Մ. Կաղանկատվացին Ջիվանշիր իշխանի մահը<sup>27</sup>: Ժողովուրդը մահվան առաջ բերած ողբերգությունը հուղական, զգացմունքային գրսևորումները անվանում է կական, շիվան-թիան, վայնասուն (վինավսի), գուշակոտինչ և այլն: Այժմ էլ գյուղական վայրերում թաղման արարողությունը ուղեկցվում է անսովոր բարձր կանչերով: դ. Փառանձեմը փետում է մաղերը, սուգ անող Առֆի տիկնոջ ապարանքից լսելի էին կուրծք բախելու, ճակատին հարվածելու ձայներ: Մազերը փետում է նաև Հեկտորի մայրը՝ «Իլիականում», իսկ Աքիլլեսը կտրում է իր գանգուրները և գնում մեռած Պատրոկլեսի փուլում<sup>28</sup>: Ինքնախարաղանման այս և Հ. Մանգակունու նշած այլ ձևերը շարունակում են սիրեցյալի հետ կամավոր մահանալու ցանկություններ արտահայտել: Նույն իմաստն ունեն նաև գլխին հող ու մոխիր լցնելու սովորությունները<sup>29</sup>. առաջինը որպես հետո թաղվելու, իսկ երկրորդը՝ վառվելու ծեսի վերապրուկ: Մազերին առհասարակ վերագրում են մոգական հատկություններ (հեքիաթներում մազը կրակին տալ, գլխին կախարհական մազի առկայությունը, մազի միջոցով գիր անելը և այլն): Ի գեպ, մազի սլաշտամունքը ևս իր հիմքում ունի արևապաշտությունը՝ բխում է վարսերի նմանությունից արևի ճառագայթներին: Կանայք հանուն սիրեցյալ ամուսնու, որգու կամ եղբոր հրաժարվում էին իրենց գեղեցկությունն ու պարծանքը կազմող հյուսերից, տղամարզիկ կտրում էին մորուքները: Մինչև վերջին ժամանակներս առկա էր ողբերգության առթիվ ծամը կտրելու սովորությունը (Սասուն, Մուշ, Բուլանըխ): Երևույթի խոսքային արտահայտությունները ավելի երկար են պահվում լեզվական կտրվածքներում, առանձնապես նրա բարբառային շերտերում. ծամկերուկ, վարսդ կտրեմ, անմազ մնաս և այլ ա-

24 Փ. Բ ու զ ա ն գ. III գլուխ, գլ. ԺԳ:

25 Նույն տեղում, էջ 189:

26 Թ. Ա թ ծ Ր ու Ն ի և Ա ն ա ն ու Ն, էջ 412-414:

27 Մ. Կ ա ղ ա ն կ ա տ վ ա գ ի, էջ 175:

28 Հ ո մ եր ո ս. նշվ. աշխ., երգ 23:

29 Տե՛ս Ղ. Փ ա ղ ա ն Գ ի. Հայոց պատմություն. Երևան, 1982, էջ 277, Մ. Ու. Ն. Հ ա յ ե ց ի. Ժամանակագրություն. Վաղարշապատ, 1898, էջ 356:



նեծքները արտահայտում են գիմացիների, նրա հարադատի մահվան ցանկություն:

Ինչքան մեծ էր մարդու հռչակը, նշանակալից ու ծավալուն նրա արածն ու թողածը, այնքան հարուստ էր նրա թաղման հանդեսը, անքան երկար էին սուղ անում նրա համար: Հայ ժողովրդական էպոսում Սասունը Մհերի համար յոթ տարի սուղ է պահում: Մեծ սուղ է արվել Խոսրով թագավորի, Վաչե Մամիկոնյան զորավարի, Աշոտ Բագրատունու և այլոց համար: Մտոնակիրեն հրաժարվում են առօրյա, կենսականորեն անհրաժեշտ գործողություններից, սնվում են այնքան, որ պահպանեն դոյուլթյունը, մի կողմ թողած բազմազույն դրեստները պարուրվում են սևով, թողնում են հարդարվելն ու դարդարվելը, հրաժարվում են արևի լուսայից, բնակարանի լուսամուտներին անթափանց վարագույրներ կախում:

Անանուն պատմիչի նկարագրած թաղման հանդեսում հիշատակվում է մի սովորություն, որի հետքերն այսօր էլ կան Հայ ժողովրդի կենցաղում: Դերենիկի երեխաներին գրկած տանում են կոծի արարողությունը, և ամուսին-իշխանուհին, խոսելով վրեժի մասին, ձեռքը դնում է Գաղիկ որդու ուսին (որը և հետագայում առնում է հոր մահվան վրեժը): Այսինքն՝ կորցնելով ամուսնուն, այրին ապավինում է որդուն: Այժմ էլ վշտահարը կորցնելով իր տան սյունը, իր տիրոջն ու պահապանին, նեցուկ է փնտրում մերձավորների մեջ և սղո արարողության ժամանակ խոնարհվում է մեկի առաջ («աշկերը յիրա օնել»): Ազո երդը այսպես է դիմում վերջինիս.

Լրնիս մարիկ ու անես մարուլթյուն,  
Լընիս հարիկ ու անես հարուլթյուն  
Իմ անուշիկ խաթունին (կամ հորն) խաթերն համար<sup>30</sup>:

Այս ընտրյալը պարտավորվում է հոգ տանել սգավորների համար: Առավել ծանր է լինում այդպիսի նեցուկ չգտնողի վիճակը. «Մինը կա վուչ, թա աշկերս յիրա օնիմ»:

Լաց ու կոծի ուժգնություն աստիճանը պայմանավորվում էր ոչ միայն մահացածի համբավի չափով, այլև նրան վիճակված մահվան բնույթով: Մանուել սպարապետը ասոսոսում է, որ ինքը չի գոհվում կռվի դաշտում, այլ մահանում է վատթար մահով՝ անկողնում պառկած<sup>31</sup>: Երբ հայտնի է դառնում, որ Գնել իշխանը սպանվել է ոչ թե պատահաբար, այլ դարձել է խարդավանքի զոհ, ողբն ու կոծը սաստկանում են: Ողբերգական մահը ինչ-որ չափով լինելով պատահական ու անիմաստ, ավելի շատ արցունք ու կական է հարուցում, քան բնական, առավել ևս իմաստավորված մահը: Սասունցիները ռազմադաշտում ընկած մարտիկին անհուսուլթյամբ չէին ողբում, այլ հպարտությամբ ու ակնածանքով էին հրաժեշտ տալիս նրան:

Որպեսզի հանդուցյալի հոգին հանգստանա և ուղևորվի իր մշտական կայանը, հարկ էին համարում պատշաճ ծիսակատարություններով

30 Հ. Ճ ա ն ի կ յ ա ն. նշվ. աշխ., երգ 43:

31 Փ. Բ ու զ ա ն դ, V դպր., դլ. ԽԴ:

հուղարկավորել նրան: Աներևակայելի մեծ նշանակություն էր հատկացնում ժողովուրդը ծեսին: Ղևոնդ պատմիչը մահացածների նկատմամբ ընդունված արարողությունների արգելումը համարում էր ողբերգություններից մեծագույնը<sup>2</sup>:

Թաղումով չէր վերջանում մեռյալին մատուցվող տուրքը: Նախնիների հոգիներին գոհացնելու համար պարբերաբար ծեսեր ու զոհաբերություններ էին կատարում, գերեղմաններին վերագրում էին մոգական ուժ, հուշաքարեր էին կանգնեցնում, ամրակուռ դամբարաններ կառուցում:

Թաղման հեթանոսական արարողությունն իր սովորությունների էական համակարգով պահպանվեց քրիստոնեական միջնադարում և ծիսական որոշ տարրերով հասավ մինչև մեր օրերը: Այն իրենից ներկայացնում էր ժողովրդական համադրական (սինկրետիկ) արվեստի մի արտահայտություն՝ իր կատարողներով, մասնակիցներով ու ղեկավարներով. կազմակերպված յուրօրինակ խելահեղ խմբապարերով ու մենապարերով, սրտաճմլիկ մեներգերով, ասերգերով ու խմբերգերով, որոնք արտահայտում էին գովք ու թախանձանք, գղջման մրմունջներ ու անփարատելի վիշտ, վախ ու ակնածանք, հույս ու մխիթարություն. վինի, փանդիոի ու փողի մերթ տխուր՝ գթություն շարժող, մերթ ցասկոտ՝ չարին միտող նվագ, դիմակներով, թատերային հագուստներով ու վարսերով եղբրամայրեր, փողարներ, ձայնարկուներ, կոծապարուներ: Այս ամենին միանում էին ինքնաբուխ արյունալի զոհաբերություններն ու մատաղները, լացն ու անհույս հեծեծանքը, որոնք նպատակ ունեին. ա. գոհացնել հանդուցյալի կենդանի հոգին, բ. շարժել մահվան աստծո ողորմածությունն ու հրավիրել ամենաղոր արևի ու շաղրությունը, գ. դիցապաշտական մոգական գործողություններով վանել չար ուժերը, որոնք շարժուն ու կենդանի մարդուն չար հրաշքով վերածել են անշունչ ու անկարող դիակի, դ. արտահայտել մահվան առթիվ առաջացած վիշտն ու ողբերգությունը:

Քրիստոնեական եկեղեցական թաղման ծեսը պահպանեց հեթանոսականի հիմնական արարողակարգը՝ հարմարեցնելով այն քրիստոնեական ուսմունքի պահանջներին, մեկնաբանելով նորովի՝ ձայնարկուներին ու կոծադիրներին փոխարինեցին եկեղեցու սպասավորները՝ իրենց սաղմոսներով ու գանձերով, արգելվեցին միայն մարմնական ցույցերը, պարային ու թատերական տարրերը, թեև ժողովրդի կենցաղում դրանց վերապրուկները գոյություն ունեն մինչև մեր օրերը: